



Anna Wangenheim
Inatsisartunut ilaasortaq, Demokraatit

§ 37 naapertorlugu apeqqutip nr. 224_2022-p akineqarnera.

Asasara Anna Wangenheim

Inatsisartut suleriaasianni § 37-mi, imm. 1 naapertorlugu Naalakkersuisunut apeqquteqarputit. Naalakkersuisut apeqqutinut tullinnguuttumi issuarneqartunut akissuteqartinneqartunullu qujapput.

- 1. Peqqinnissaqarfimmi aqutsisut qanittumi aqutsisut isumasioqatigiinnerini, ernisussiortut ilaatigut peqataaffigisaanni, 2035-mi nunatsinni erniartortarfiit marluinnangornissaanut siunertaqartoqartoqartoq paasissutissiissutigineqarsimanera Naalakkersuisut uppersarsinnaanerlunikku?**

Akissut:

Naamik, tamanna Naalakkersuisut uppersarsinnaangilaat. Peqqinnissaqarfimmi aqutsisut ilisimatitsissutigaaq, aqutsisut iluminni isumasioqatigiissimasut. Ernisussiortut Peqatigiiffiat isumasioqatigiinnermi peqataangilaq.

- a. Siunertatineqartumut Naalakkersuisut qanoq isumaqarpat?**

Akissut:

2035-mi nunatsinni erniartortarfiit marluinnangornissaanut siunertamik Peqqinnissaqarfimmi aqutsisut Naalakkersuisunut saqqummiinikuunngilaq.

- 2. Kalaallit Nunaanni erniartortarfiit qassiunissaanik Naalakkersuisut qanoq isumaqarpat?**

Akissut:

Nuna tamakkerlugu ernisuttunik sullissineq pillugu misissuineq Naalakkersuisut aallartissimavaat.

Misissuinnermi siunertaavoq ernisussiortut naartusullu ilaqutaatut erninnermi sullissinnermi periarfissat aporfissallu ilisimasaqarfiginerulernissaat. Ilisimasaqarnerulernermi pisut assigiinngitsut aamma ineriartuutaasinnaasut ilisimasaqarfigineqarnerulissapput, siunissamilu nunatsinni ernisarfiit pilersaarufiginissaanut aqqissuunnissaanullu naalakkersuinikkut oqallinnermi isumassarsiorfusinnaapput.

- 3. Qaqortumi Aasiannilu erniartortarfiit ammaqinnissaat suli Naalakkersuisunit pilersaarutigineqarnerluni?**

29-12-2022
Suliap nr. 2022-25522
All. nr. 22057821

Postboks 1160
Oqarasuaat: 34 50 00
Fax: 34 55 05
3900 Nuuk
Email: pn@nanog.gl
www.naalakkersuisut.gl

Akissut:

Aap, ernisussanut upalungaarsimasussanik pilersitsisoqarsinnaappat, tassanilu pineqarpoq tassanngaannartumik erninermi assigiinngitsunik ajornartorsiuteqalissagaluarpat, soorlu aanaarujussuarnerit, pilaanerit aamma naalungiarsuk ajoquteqassagaluarpat tamakkuninnga isumaginnissinnaasunik sulisoqarnissaq. Erninerlunnerit ajornerpaatillugu anaanaasup meeqqallu inuunerannik annaasaqarfiusinnaapput. Taamaammat ernisarfinni minnerpaamik nakorsaq pilaalluni ernisitsinnaasoq, peqqissaasoq ilisimajunnaartitsinnaasoq (anæstesi), aaviisartoq (bioanalytikeri) kiisalu ernisussiortoq sulisorineqassasut piunasaqaataavoq.

4. Naalackersuisut maj 2021-mi¹ ernisussiortarnerup ingerlanneqartarnera nalilersorneqarnissaa aalartisarneqassasoq. Qaqugu nalilersuisimaneq Inatsisartunut tamanullu saqqummiunneqassanersoq Naalackersuisut naatsorsuutigaat?

Akissut:

§ 37 naapertorlugu apeqqummut nr. 175-2022-mut akissutit innersuussutigineqarput.

5. Naalackersuisut pineqartumut allanik paasissutissiisinnaanerlutik?

Akissut:

Naamik.

Inussiarnersumik inuulluaqqusillunga

Med venlig hilsen



Mimi Karlsen

¹§ 37 naapertorlugu apeqqummut nr. 31/2021-mut akissut